

ЎЗБЕКИСТОН
БОЛАЛАРИ ВА
ЎСМИРЛАРИНИНГ
ГАЗЕТАСИ.

УЗЛИККА қайтиш нимадан бошланади? Болаларга чинакам эътибор бериш, улар онги-шуурига мурғакликдан боболаримиз муқаддас билган урф-одатларни сингдиришдан эмасми?! Бу туйғулар дилида эрта куртаклаган бола келажакда шу халқнинг муносиб фарзанди бўлиб майдонга чиқади. Эл орзу қилган ўғил-қиз бўлиб етишади. Болажон халқимизда ҳам ёшларни шундай руҳда тарбияловчи тадбир ва одатлари кам бўлмаган. Бироқ кейинги 70 йилдан ортиқ қиёфасизлик режими миллий ва диний қадриятларимиз илдизига болта уриб, уларни каллакраниб турувчи тутлар ҳолатига солиб келди. Хайриятки, яна ўзлигимизни намоян қиладиган кунларга етиб келдик.

Болаларни Халқаро ҳимоя қилиш кунини Ўзбекистон радиоси болалар Бош муҳарририяти болалар уйлари болаларига ош бериб, уларнинг суннат тўйларини ўтказди.

«Халқ сўзи», «Тонг юлдузи» рўзномалари муҳарририятлари, Ўзбекистон радиосининг «Машъал» эшиттириши Бош муҳарририяти, Тошкентдаги 1-нон заводи, «Ўртоқ» қандолат фабрикаси жамоалари тўйга бажонидил хизмат қилишга, уни ҳамкорликда ўтказишга бел боладилар. Тўйга новвойлар нон маҳсулотларидан қарашинган бўлишса, қандолатчилар турли хил ширин-шаккар конфетларни тўхфа қилишди, яхна ичимликлар билан сийлашди.

Тўй ҳам шунга яраша ҳаяжонли, бирам кўнгилли ўтди. Шодиенага таширф бўйорган Тошкентдаги 21-, 23-



Суннат тўйингиз муборак!

29-болалар уйлари тарбияланувчилари ва яна бир қанча пойтахт боғча болалари — иззат-ҳурматда, катталар — хизматда бўлишди. «Булбулча» болалар дастасининг сўлим куй-қўшиқлари даврага қувончу шодлик олиб кирди. Тўйбоши Эркин Маликовнинг юрак сўзлари, Мавороуннаҳр мусулмонлари идораси ўқув ишлари вазири Муҳаммад Латиф Жуманнинг бу савобли тадбир — тўй болаларнинг икки дунёсини обод қилади, деган лутфи, овознигор фаҳрийси Неъмат бобо Дўстхўжаевнинг дуолари, шоир Барот Исроилнинг шеърий тилаги ва тақдим этган китобчалари, «Халқ сўзи» рўзномаси ходими, шоира Муҳтарама Улуғ қизи, «Машъал» эшиттиришлар муҳарририяти бош муҳаррири Шавкат Амиров ва бошқаларнинг бу болалар келажакда билдирилган самимий истаклари ёш кўнгилларда бир ажойиб, унутилмас таассурот қолдирди.

Айниқса, тўй мазкур болалар уйлари тарбияланувчилари Шуҳрат Мўминов, Санжар Фозилжонов, Ҳусан Усмонов ҳаётида янги саҳифа очди. Бошлари силанган бу етимлар шу кунини мусулмончилик удумича хатна қилиниб, «қўли ҳалолланди». Уларга эътибор шу билан тугамади, балки бошланди. Санжарни «Халқ сўзи», Шуҳратни «Тонг юлдузи» рўзномалари, Ҳусанни эса «Машъал» муҳарририяти ўз болалари қилиб олишди. Бундан кейин бу жамоалар, ҳаммиса болалар ҳолидан хабар олиб, уларга маънавий ва моддий ёрдам бериб туришади. Тўйда болалар учун очилган ҳисоб дафтартчалари уларга топширилди.

Бу тантаналарни уларнинг ўз ота-оналари кўришса эди...

В. БАРНОЕВ.

СУРАТЛАРДА: тўйдан лавҳалар.

Р. АЛБЕКОВ суратлари.

ҚИСҚА САТРЛАРДА

● Қозоғистоннинг пойтахти Олма-Ота шаҳрида яқинда ўсмирлар партияси тузилади. Болалар меҳнат биржаларини ташкил қилиш, мактаб ўқувчиларига пул ишлаб топиларини учун имкониятлар яратиш, кам таъминланган оилалар фарзандларига ёрдам бериш каби вазифаларни ўз олдига мақсад қилиб қўйган партия ҳозирда ўз таъсис съездини ўтказиш учун ҳозирлик кўрмоқда.

● Свердлов вилоятининг Первоуралск шаҳридаги нон дўконларидан бирига тунда номаълум шахслар ўғирликка киришди. Ажабланишли ери шундаки, улар талайгина миқдорда пул сақланаётган сейфга тегишмаган. Бор-йўғи бир нечта торт, печенье, ширин кулчалар ва нон ўмарилган, холос.

Қандолат маҳсулотлари нархи кескин ошиб кетган ҳозирги шароитда донаси 50 сўм, ҳатто 70 сўмгача бўлган тортларни сотиб олиш уларнинг ҳамёнларига тўғри келмаган, чоғи!

● Челябинск вилоятининг Мишьяр шаҳри касалхонасида 4 ёшли гўдак оламдан ўтди.

Уйда ёлғиз қолган болакай қорини очиб, нонга шаккар сеппи еган. Буни пайқаб қолган онаси билан бирга яшовчи Рижов фамилияли кимса болани аёвсиз калтаклаган. Натижада мурғак болакай дунёдан барвақт кўз юмган.



Халқаро болаларни ҳимоя қилиш кунини жумҳурият ўқувчилар Саройида Ўрта Осиё ва Қозоғистон жумҳуриятлари аро «Ўрта Осиё халқаси» мавзусидаги болалар амалий-декоратив кўргазмаси бўлиб ўтди. Бунда Ўзбекистон, Қозоғистон, Тожикистон, Қирғизистон, Туркменистон болалари ўзлари ясаган турли хил амалий санъат намуналари билан қатнашишди.

Халқ ҳунармандчилиги замон заъли билан бир оз эътибордан қолиши мумкин. — дейди Ўзбекистон Болалар ва Ўсмирлар Уюшмаси раиси М. А. Раҳимбердиева. — Лекин у бутунлай йўқ бўлиб кетмайди. Гап мамлакатимиздаги ўзгаришларга тегишли. Чунки ҳар қандай ҳунарнинг қайта, агар жонз бўлса, тўлароқ мазмун касб этиб юзага келиши заруратдир. Аслида халқ ҳунармандчилиги тўхтаб ҳам қолгани йўқ, балки халқ ҳаётига чуқурроқ кириб борди.

Кўргазма залларида ўзбекистонлик ёш ҳайкалтарошларнинг ажойиб ҳайкалларини, қозоғистонлик ўқувчи қизларнинг гиламчаларини, тожикистонлик болаларнинг нақшинкор қўтичаларини кўриб, юқоридаги фикрларга тўла қўшилмасиз ва «Ер юзининг бирор қисмида бунақа нафис, гўзал буюмларни ясашга қодир халқ топилмайди» деб ҳаёл қиласиз. Илло, шундайдир.

Кўргазма залларидан олинган фоторепортаж билан рўзномамизнинг кейинги сониде танишасиз.

Ш. СУННАТОВ.



ҚОЙИЛ, ИМТИҲОН ҲАМ ТОПШИРИШАДИ!

Мақтабимизда ўқув йилининг бошида учта 5-синф ўқувчиларининг 20 нафари иқтидорли синфга ўтказилган эди. Ўқув йилининг якунига кўра, улардан 16 нафари барча фанларни аълога ўзлаштириб, имтиҳонлардан овоз бўлишди. Бироқ кутилмаганда аълочимиз

та синаб, мустаҳкамлаб олиш учун имтиҳонга кирмоқчиман, — деди. Қолганлар ҳам унинг таклифига қўшилишди.

«Имтиҳонларни қандай топширсам экан?» — деб юрганлар эса уларга қойил қолишди.

Мавлуда Отажонов:

— Мен билимимни қай-

Марғуба АБДУЛЛАЕВА,
Чуст туманидаги 14-мактаб ўқувчиси.

— Тоҳир ака, сиз ўзингизда экстрасенслик қобилияти борлигини қачон сезгансиз?

— 1984 йилда бирдангина қаттиқ касал бўлиб қолдим. Врачлар текшириб, турли хил ташхис қўйишди. Бир куни рентгенга тушгандим, рентген ишламай қолди. Шундан кейин ўзимда биоэнергия борлигини, бўлганда ҳам метьридан ортиқ эканлигини пайқадим.

— Фаолиятингизни дарров бошлаб юбордингизми?

— Йўқ. Менда биоэнергия борлигига дастлаб ишонинишмади. Қайта-қайта текшириб кўришди. Узоқ текширувлардан кейин охири тан олишди. Таниқли олимлар кўз ўнгиде ҳарбий кемалардан бирини да турганча НУЖ (номаълум учар жисмлар)ни қақриб мулоқотда бўлдим. Олимлар ҳайратда қолишди. Шундан кейин Иттифоқ тарқалиб кетгунга қадар СССР экстрасенслар уюшмасига президентлик қилдим.

— Авлодингизда ҳам хислатли кишилар бўлганми?

— Узоққа бормай кўя қолай. Хасан акамини Самарқанд вилоятида жуда яхши билишди. Чунки у яхши табиб, башоратчи сифатида ном қозонган. Шу сабабданми кўпчилик уни «Хасан фолбин» дейишди. Бундан ўн йил олдин акам «дипломни йўқ бўлса ҳам одамларни даволапти, фирибгарлик қилипти» деган қуруқ тухмат билан қамалиб кетди. Келинбойимиз уч йилгача бешта бола билан анча қийналди. Бу кулфатдан, айниқса, 90 ёшли онамиз кўп азият чекди, қайғудан адоий тамом бўлилар. Мен у кишининг заъфарон юзларига қараб эзилиб кетардим. Ушанда онамга инсонда ғайри-табiiий хислат борлигини илмий равишда асослаб бераман, деб сўз бердим. Тинмай ўргандим, изландим, елдим-югурдим. Мана кўряпсиз, натижалар чакки эмас.

— Экстрасенслик қобилиятини қандай пайқаш мумкин деб ўйлайсиз?

ЎЗБЕКИСТОН ХАЛҚ ТАБОБАТИ ҚЎМИТАСИНING РАИСИ, ЭКСТРАСЕНС ТОҒИР СОЛИЕВ БИЛАН МУСОҲАБА

— Бу нарса ҳар кимда ҳар хил кечади. Бунга мисол тариқасида бир воқеани сўзлаб бера қолай. Бир куни олдимга кекса аёлни олиб келишди. У мени кўриши билан дағ-дағ титрай бошлади. Унга тезда биоэнергия юбордим, яъни даволадим. Бемор ярим соатлар чамаси вақт ўтгандан кейин ўзига келди. Танишдик. Беморнинг исм-шарифи Зайнаб опа Худойбердиева бўлиб, врачлар унинг касаллигига «рак» деб ташхис қўйишди. Опа йигирма йилдан буён қалтироқ тутишидан азоб чекар, тез-тез хушидан кетиб турар экан. Мен «Сизда ҳеч қандай касаллик йўқ. Фақат вужудингиз-

уни дарров кўтар-кўтар қилишимиз нотўғри. Бу нарса боланинг ўқишига, қолаверса, кейинги ҳаётига таъсир кўрсатиши мумкин. Бу билан уларни бутунлай эътибордан четда қолдириш керак, демоқчи эмасман. Фақат метьрни бузмаслик лозим. Хислатли болалар учун қўмитамиз эшиги доим очиқ. Унинг манзилини ҳам айтиб ўтишим мумкин: Тошкент шаҳри, Чилонзор мавзеси, Қатортол кўчаси, 60-уй, 2-қават.

— НУЖлар, яъни ўзга сайёраликлар билан тез-тез алоқада бўлиб турасизми? Сизда улар билан учрашиш учун махсус калит — КОД бор дейишди.

Койнот билан ўзга-ўз

да биоэнергия миқдори кўп. Агар беморларни даволасангиз, дарддан бутунлай форис бўласиз», дедим. У киши рози бўдилар. Мана, бир йилдан кўп вақт ўтди. Шу вақт мобайнида Зайнаб опа юзлаб беморларни дарддан халос этди.

— Жумҳуриятимизда хислатли болалар оз бўлса-да учраб туришди. Буни газетага келаётган хатлардан ҳам билса бўлади.

— Шахсан ўзим тошкентлик Умида, Донохон, андижонлик Носир, қашқадарлик Зулфия исмли хислатли болаларни яхши биламан. Мен уларга ўзимнинг керакли маслаҳатларимни берганман. Бунинг устига улар қўмитамиз назорати остида. Яна бир гапни айтишим керак. Агар боланинг хислатли эканлиги маълум бўлса, биз

Улуғ олим бобомиз Абу Райхон Беруний бундан қарийиб минг йил муқаддам «Койнотда ердан бошқа одамлар мавжуд ва улар бир-бирига ўхшамайдиган даражада хилма-хил» — деган эди. Ҳақиқатан ҳам бизнинг еримиз юзлаб одамлар билан қўрқалгандир. Уларнинг айримларида худди биздаги каби ҳаёт мавжуд эканлигига шак-шубҳа йўқ. Буни биз томон тез-тез учиб келаётган учар ликопчалардан ҳам билса бўлади.

Ҳақиқатан ҳам менда уларни қақриш учун калит — КОД бор. У менга ўз-ўзидан аён бўлган. Буни тушунтириб бериш жуда қийин масала. Шу пайтгача ўзга сайёраликлар билан 3—4 мартда мулоқотда бўлдим. Айниқса, би-

ринчи мулоқот ҳеч эсимдан чиқмайди. Бир куни кечаси мен ётган хонага (дераза очиқ эди) осмондан бир нур тушиб, бошимга туташигандай бўлди. Шу вақтнинг ўзиде ўзга сайёраликлар билан гаплаша бошладим. Тўғриси, бу нурни фақатгина мен кўрардим, ўзга сайёраликлар эса ёнимдами ёки кўкдами —

монда учар ликопча кўринди. Ундаги одамлар билан мулоқот қисқа бўлди. Айтишлари-ча, улар Зуран сайёрасидан экан. Албатта, ўзга сайёраликлар билан телепатик, яъни одатдаги ҳолатдан бутунлай чиққан ҳолатда сўзлашдим. Буни илмий тилда айтсам, мулоқот муайян космик (8—9 км) тўлқинлар орқали юз берди.

— Ўзбекистон халқ табобати Қўмитасининг келажак режалари қандай? Қўмита болалар саломатлигини яхшилашда қандай ишларни амалга оширипти?

— Ўзингизга маълум, ҳозир жумҳуриятимизда экологик аҳвол унча яхши эмас. Айниқса Орол ва унинг атрофидаги табиий муҳитнинг ёмонлашуви болалар соғлигига хавф солмоқда? Уларга зудлик билан ёрдам бериш зарур. Шу мақсадда Қўмитамиз маълум ишларни амалга оширмоқда. Қўмита собиқ Иттифоқ экстрасенслар уюшмаси маблағлари ҳисобига Қорақалпоғистоннинг Амударё туманида халқ табобати маркази учун бино қуриш лозим деб топганди. Энди биз бу савобли ишни охиригача етказиш ниятидамыз.

Суҳбатдош Туроб НИЕЗ.

ЗИЛОЛАГА ХАТ ЁЗГАНДИМ...

«...Зилоланинг манзилгоҳини «Тоғ юлдузи» газетасидан олган эдим. Дўстлик мактуби ёздим. Аммо у жавоб ёзмади. Санъатни севадиган, пазанда қиз Зилола билан дўстлашмоқчи эдим, холос. Шундай экан, нима учун манзилгоҳини газетага ёзди. Мен ундан хафаман».

Қадрли болалар, ҳадемай имтиҳонлар якунланиб, ҳаммангиз орзиқиб кутган ёзги таътил бошланади. Сизларнинг эса бўш вақтларингиз кўпаяди. Таътил кунлари янги дўстлар ортириб, улар билан дўстлик мактублари ёзишиш ниятини билдирган тенгдошларингиз эса талайгина. Бугун айримларининг манзилгоҳларини маълум қилишимиз. Ўйлаймизки, уларнинг орасида Зилола сингари газетада номи чиқиши учунгина бизга мактуб йўллаган ўқувчилар бўлмайди. (Мабодо мактубни ололмаган бўлса, Зилола узримизни қабул этсин.)



Мен тожик фарзандиман. Ўзбекистонлик тенгдошларим билан дўстлашиш ниятидаман.

735329. Тожикистон жумҳурияти, Кўлоб вилояти, Совет тумани, Октябрўя қишлоғи.

Исмонл АБДУЛЛАЕВ.



Менинг исмим Лида. Қорақалпоғистонданман. Миллатим қозоқ. Мактабимиз Алишер Навоий номида... Бу юк мутафаккир ҳазрат Навоий газалларини севиб ўқийман. Ўзбек тилини ўрганишга жуда қизнаман. Менга хат ёзинг, дўстларим.

743836. Қорақалпоғистон жумҳурияти, Қўнғирот шаҳри, Ажинияз шўро хўжали-

ги, «Центральная» кўчаси, Лида ҚАЛБАНОВА.



Синглим иккимиз манзилгоҳимизни «Тоғ юлдузи»га юборишга қарор қилдик. Мақсадимиз дўстлашиш. Эшим 10 да, синглим эса 9 ёшда. Инглиз тилини ўрганишимиз, компьютерлар ёрдамида масалалар ечиш, тикниш, ортиқча ва календарчалар тўплаш — сеvimли машғулотиимиз.

Хўрмат билан Умида ва Хилола АХМЕДОВА, 700043. Тошкент шаҳри, Чилонзор тумани, 3-Хива тор кўчаси, 15-уй.



Мактабимиздаги БДКга аъзоиман. Тошкент, Андижон,

Фарғона, Наманган каби кўпгина вилоятларда дугоналарим бор. Улар сафи янада кенгайишини истайман. Манзилгоҳим:

704119. Самарқанд вилояти, Пахтачи тумани, Охунбобоев жамоа хўжалиги. Ойгул ҲАЗРАТОВА.




Ҳадемай имтиҳонлар тугайди. Биз синфимиз ўқувчилари билан ёзда ҳам тез-тез учрашиб туришга, жумҳуриятимизнинг турли бурчакларидаги болалар билан дўстлашиб, мактублар ёзишиб туришга аҳд қилдик.


Хатларингизни кутамиз. 731104. Қашқадарё вилояти, Улянов тумани, Қори-Нивезий номидаги 43-мактабнинг 7-«А» синф ўқувчилари.

Суюкли фарзандимиз ҚУДРАТЖОН!

Қутлуғ II баҳоринг билан самимий қутлаймиз. Сенга соғ-саломатлик тилаймиз! Ўқишларингда улкан ютуқларга эришишингга ишонамиз.



Абдиевлар оиласи ва синфдош дўстларинг.



Ўғлим АЛИШЕРЖОН!

Сени қутлуғ 12 ёшга тўлган кунинг билан самимий муборакбод этамиз. Чехргандан табассум аримасин. Доимо соғ бўл деб,

Ҳасановлар оиласи. Сурхондарё вилояти, Денов шаҳри, Ворошилов кўчаси, 38-уй.



ТАБРИКЛАЙМИЗ!

ЭЪЛОН

Уй ишларини бажарувчи ва болалар тарбияси билан шуғулланувчи аёл керак. Мурожаат учун телефон: 90-35-23.

ШОИРЛАР — БОЛАЛАРГА

Йўқ эканда бор экан,
 Ҳамма бахтиёр экан.
 Яқин ўтган замонда,
 Оқибатли томонда,
 Яшаркан эру хотин,
 Кутишаркан зуриётин.
 Вақти келиб, дунёга,
 Икки ўғил берибди:
 Леҳ бирнга табиат,
 Кўзини кам кўрибди.
 Ҳасаннинг жуфт кўзлари,
 Мунчоқ-мунчоқ боқармиш.
 Ҳусанда йўқ бири ҳам,
 Басир бўлиб ётармиш.
 Унга қувонч билан ҳам,
 Келгани рост ёнма-ён.
 Эр-хотин ҳақимларга,
 Кўз-тикдилар нигорон.

Кўзкосани авайлаб,
 Ҳусанга ямадилар.
 Эгизаклар ёнидан,
 Жилмай кун санадилар.
 Ниҳоят кўр Ҳусан,
 Оламини кўриб кетди.

Ҳасаннинг орқасидан,
 Чопқиллаб юриб кетди.
 Иллар ўтди, эгизак,
 Ингит бўлди навқирон,
 Ҳусан — анча арзанда,
 Ҳасан — ўта меҳрибон.

Ота-она бахтиёр,
 Топишди, жиндак хузур.
 Ҳар қалай кўрди дунё,
 Шунга ҳам минг бор шукур.

Малик ЭҒАМ.

Табриқлаб қўлингдан...
Агар десанг сен мени...
Ақсоқулдан кўнглимдан...

Улар демиш:
 — Чора йўқ.
 Тузалмайди, тугма кўр.
 Дунёни, етти рангин,
 Билмайди бутун умр.
 Фақат битта чора бор,
 Қонсин десангиз ранга.
 Ҳасаннинг бир кўзини,
 Утказумиз Ҳусанга...
 Икков бўлиб хангу манг.
 Эри — гуңг,
 хотин — гаранг,
 Чопишиб тўрт томонга,
 Кўринган ҳар инсонга.
 Сузлаб дил ярасини,
 Ҳам ҳақим чорасини.
 Ҳарна бўлур деб мадад,
 Кутибдилар маслаҳат.
 Шу аснода ўтди йил,
 Утиб кетди тўрт фасл.
 Эмақлаб қолди Ҳасан,
 Ултиради кўр Ҳусан.
 Ота-она ҳоли танг,
 Эри — гуңг, хотин гаранг.
 Тополмайин бари бир,
 Излашиб ҳамон тadbир.
 Икковини қилиб сил,
 Утди яна тўрт фасл.
 Ханузгача ҳоли танг.
 Эри — гуңг,
 хотин — гаранг...
 Ниҳоят хотинга,
 Эр дедик: — Тингла.
 Демакки, эгиз экан,
 Ҳар бири азиз экан.
 Сўрасанг менадан агар,
 Иккови ҳам баробар.
 Боссин дердим қадами,
 Кўрсин ранггин оламини.
 Мен розиман табибинг,
 Сузларига бўлдим қўл.
 Хотини ҳам ноилж,
 Хўрсиниб деди:
 — Маъқул.
 Табиб, уч-тўрт шогирдлар,
 Қалтис қадам қўйишди.
 Бўкиртириб Ҳасаннинг
 Чап кўзини ўйишди.

Вақти келиб, Ҳасаннинг,
 Дилида дард кўзибди.
 Бир санам фироқида,
 Бошдан ақли тўзибди.
 Гўзал дермиш:
 — Эй, Ҳусан,
 Висолимага тўйсан.
 Қачон кўзинг жуфт бўлса,
 Верурман иссиқ бўса.
 Хотин бўлурман асл,
 Қўйгадирман муҳаббат.
 Йўқса қолма йўлингдан,
 Не ҳам келар қўлингдан...
 Ука оғир шартдан лол,
 Ишқига бўлиб ҳаммол.
 Акасига чопибди,
 Бир чеккага тортибди.
 Тушмай асло шаштидан,
 Сўзлабди қиз шартдан...
 Ҳасан боқса, Ҳасаннинг,
 Юзларини ювар ёш.
 Изтироби туфайли,
 Тамом бўлибди бардош.
 Икки йнгит навқирон,
 Шошилиб табиб сари,
 Оқизмасдан айтишибди,
 Юракдаги сирларни:
 Дебди: — Ҳасан: —
 Табибим,
 Гапларимни тинглангиз.
 Шу қолган кўзимни ҳам,
 Укамга ўтқазсангиз.
 Жигаримга кўз тугул,
 Берурман ҳатто жонни,
 Унинг кўнгли шод бўлсин,
 Кўриб бўлдим жаҳонни...
 Сўнги бор укасига
 Тикилар шўрлик Ҳасан,
 Юзларига дув-дув ёш,
 Сел бўлиб қўйиларкан.
 Табиб, уч-тўрт шогирд,
 Бопладилар сўқишни.
 Мурувватли Ҳасаннинг,
 Уңг кўзини ҳам ўйишди.
 Қорачини авайлаб,
 Ҳусанга ямадилар.
 Иссиқ меҳр қошида,
 Яйраб, кун санадилар.

Кўз ярашди Ҳусанга,
 Қараб тўймас кўзгуга.
 Сўнгра кўр акасини
 Етақлаб кетди уйга.
 Оқибатнинг бу тахлит
 Бўлганидан хуноб, хит,
 Эрта кетди ота ҳам,
 Онани ҳам олди ҳам.
 Ҳусан чопди ёр томон,
 Қиз рози бўлди шу он.
 Тўй бўлди, яхши бўлди.
 Яллачи бахши бўлди.
 Кузатдилар икковни,
 Келин билан кўвни.
 Эсидан чиқиб дарди,
 Кўр Ҳасан қувонарди...
 Ўтар ойлар, ўтди йил.
 Айланади тўрт фасл.
 Бахтиёр эди Ҳусан,
 Илжаиди кўр Ҳасан...
 Бир кун гўзал хотини
 Ҳусанга дер ботиниб:
 — Боқарканман акангга,
 Сезадирман таъналар.

Тўнка бўлиб ётиши.
 Юрагини тирмалаб,
 Кўрмайин ҳам куймайин,
 Куйиб бағрим уймайин.
 Агар десанг сен мени,
 Йўкотгайсан акангги.
 Йўқса, қолма йўлингдан,
 Не ҳам келар қўлингдан...
 Ҳусан яна карахт, лол,
 Ишқига бўлиб ҳаммол.
 Борибди ака томон,

Чора кутармиш ҳамон.
 Карасаки, акасини,
 Тополмабди уйидан.
 Хатга битиб кетибди,
 Хаёлидан, уйдан...
 — Укам, умринг боғича,
 Шолон яша, дер эдим.
 Уйларингга сиғмадим,
 Бош олиб кетай дедим.
 Ичонурман тоабал,
 Яйнагурман бахтиёр.

Асло кутмассан таъна,
 Сноа чекмассан озор...
 Бошин ҳам килиб Ҳусан,
 Акасини ўйлабди.
 Тўроқларин ботириб,
 Кўзларини уймабди...
 Иллар ўтиб ака номин,
 Эсидан ҳам кетибди.
 Эю хотин кўша қариб,
 Муродига етибди.
 ...Эртагинин

тингладингиз,
 Балким қизиқ эмасдир.
 Фақатгина мақсадинини,
 Англаб олсангиз басдир.
 Алам қилар жойи шуки,
 Ҳамон, қаранг, болалар.
 Меҳрдан, оқибатдан,
 Меҳрсиз фойдаланар.
 Яхшиларнинг яхшилиги,
 Равнақ берар ёмонга.
 Етар бир кун яхши бонс,
 Мурод деган осмонга.
 Соғинтириб онасини,
 Юрар ҳатто катталар.
 Олим, аммо қишлоғида,
 Номеҳрибон, аталар.
 Ўзингиз, улғайингиз,
 Чор атрофга бўлангиз.
 Ўзингиз кўрмаётган,
 Ўзгани ҳам ўйлангиз.
 Ота-она, акаларнинг,
 Меҳри асаркан сизни,
 Худобилик балосидан,
 Сақлангиз ўзингизни...

ДАРДИНГНИ ДЕВОРГА ЁЗ!

Эсингиздами, ғайратли, ҳис-ҳаяжонли, «ижодкор» болалар учун рўзномаизнинг тўртинчи саҳифасидан жой ажратилган ва унда ҳар ким ўз дил сўзларини ихчам қилиб баён қилишлари мумкин эди. Ушбу хабардан кейин муҳарририятимизга кўплаб мактублар келди. Улар биз қўйган шартни бажаришган:

ЎЗБЕКИСТОН САНЎАТ-ҚУРИЛИШ БАНКИНИНГ ТОШКЕНТ ШАҲАР БУЛИМИ, ҲИСОБ РАҚАМИ 000363106, КОД: 172682328, КОРР. СЧЕТ: 300166428 га 5 сўм пул ўтказиб, дил сўзларини маълум қилишган. Аммо бугунга қадар қўлимизга теккан бундай хабарлар узундан-узоқ ёзилган. Бундан кейин «Деворга дардингни ёз» бурчагига ўз дил сўзларини ёзишни - истаганлар ўз хабарларини ихчамроқ қилишларини сўраймиз.

«Энг яқин дугонам Нарғиза билан ара-лашиб қолган эдим. Тугилган кунни арафасида уни табриқлаб, узримни қабул қилишни сўрайман.

НОДИРА».

«Тўладан келган гавдамдан уяламан. Ҳамма мени «Бақалоқ» дейди. Дустларим, илтимос мени ҳақорат қилманглар

ДИЛВАР».

Қизалоғимиз **НАРГИЗАХОН!**
 Бу баҳор 9 ёшни қаршиладинг. Сенга чинор умридек умр тилаймиз. Барча орзуларингга етгин дея, Отанг Бахтиёр, онанг Норой, уканг Бобиржон, опанг Нафиса.

Қашқадарё вилояти, Қарши шаҳри, Ботир Зокиров кўчаси, II-уй. Зиётовлар оиласи.

Ўғлимиз **НОДИРЖОН**
 Сени тугилган кунинг билан табриклаймиз! Сенга узоқ умр, бахт-саодат тилаймиз. Даданг, оинг, Рустам, Бобур, Бахшанда, Баҳодир, Равшан.

Бухоро вилояти, Когон тумани, Комарова кўчаси, 41-уй.
 Жалиловлар хонадони.

ТАБРИКЛАЙМИЗ!

ҚАТРАЛАР

ОДОБСИЗ

Фани АБДУЛЛАЕВ

БАРГ ВА ҒУНЧА

Барг гармселдан ғунчани асрайман, деб чироидан айрилди. Ғунча жилмайиб очиларкан ундан ор қиладиган бўлди.

— Хунуксан-ей, сен билан яшашга уяламан, — деди қизғиш лабларини «учириб».
 — Сабабини билсанг эди... — шивирлади барг камтарона.
 Ғунча танноз билишга майли йўқ.
 — Кеч билганингдан фойда йўқ, — бандидан узилди барг.
 Бир кун танноз қиндан чиққан йўртмачоғи билан шамолга дош беролмай чирпирак бўлди.
 — Гамхўр побонининг қадрига етмай хор бўлди, — деди уни билган қўшни барглар.

Бош муҳаррир: **Ақром БЕРДИМУРОДОВ.**
 Таҳрир хайъати:
В. ФАЙЗУЛЛАЕВ, Т. ЭШБОВЕВ,
А. КУЧИМОВ, М. РАҲИМБЕРДИЕВА,
Т. КАРИМОВ, М. ПИРМАТОВ [масъул котиб].

Табсис этивчи:
ЎЗБЕКИСТОН ЕШЛАР ИТТИФОҚИ
МАРКАЗИЙ ҚУМИТАСИ
 Бизнинг манзилгоҳимиз:
ТОШКЕНТ ШАҲРИ. 700083,
ЛЕНИНГРАД КЎЧАСИ, 32-УЙ.
 Газета ҳафтанинг чоршанба ва шанба кунларин чиқади.

Маълумот учун телефон: **32-54-24**
 Ўзбекистон Республикаси «Шарқ» нашриёт-матбаачилик концернининг босмаҳонаси.
Тошкент шаҳри. 700083, Ленинград кўчаси, 32-уй
 Чоп этиш вақти — **18.00.**
 Буюртма № **Г-27.** Нашр кўрсаткичи **64563.**